

**ZAPISNIK SA 04. SJEDNICE UO SAMOSTALNOG SINDIKATA RADNIKA U BHRT-u,  
U MANDATU 2023-2027, KOJA JE ODRŽANA U ČETVRTAK, 25.07.2023. GODINE**

**Prisutni:** Džemal Kahrica; Elvis Čengić; Edis Fočo; Mubera Herac; Sanija Saljihi; Sadin Kavazović  
Mustafa Baručija; Dragan Miljević; Minja Erić; Minka Džihanić; Alen Pavić; Omer Bukić; Ekrem Agić  
**Odsutni:** Anel Nurković; Merima Kurtović-Pašalić; Sanin Vila; Samir Gadžo;

Dnevni red:

- 1.Zapisnik sa 3. redovne sjednice UO SSR u BHRT-u
- 2.Aktualna situacija u BHRT-a
  - odgovor menadžmenta na dopis sindikata u vezi obračuna naknade za topli za vrijeme službenog puta
- 3.Finansije
  - blagajnički izvještaj za mjesec juni 2023. godine
  - izvještaj Adriatic osiguranje za mjesec juni 2023. godine
- 4.Dodjela pomoći
- 5.Razno
  - emiterijada 2023.

**AD 1.** Dž.Kahrica je na osnovu člana 35. Statuta Samostalnog sindikata radnika u BHRT-u, otvorio 04. sjednicu UO SSR u BHRT-u u mandatu 2023-2027 i predložio dnevni red koji je jednoglasno usvojen, kao i zapisnik sa 03. sjednice UO sindikata.

**AD 2.** Sindikat je dobio odgovor na dopis u vezi obračuna toplog obroka za vrijeme službenog puta. Menadžment u odgovoru je između ostalog naveo „I pored najbolje volje Popslovodstva BHRT-a da izadje u susret uposlenicima do daljnjeg nije u mogućnosti udovoljiti vašem zahtjevu zbog otežanog finansijskog poslovanja i nedostatka potrebnih sredstava.“

Menadžment BHRT-a je odgovorio i na dopis sindikata vezano za rad u sindikatu u kojem je ukazano na Pravilnik o radu i slobodne dane na koje uposlenici imaju pravo u skladu sa zakonom.

Dž.Kahrica je informisao UO da je rukovodstvo sindikata održalo sastanak sa menadžmentom BHRT-a 21.7.2023.godine. Sindikat je dobio informacije da je održan sastanak ministra prometa i komunikacija sa predstavnicima EBU-a kako bi se pronašao način otplate duga BHRT-a. Sastanak nije bio uspješan i nije dogovoreno nikakvo rješenje za BHRT. Menadžment radi na rješavanju produženja ugovora sa EP BiH i EP BiH su poslali sve papire vezano za produženje ugovora o naplati RTV takse putem računa za el. energiju, obzirom da važeći istiće krajem godine. Razgovara se i o novom načinom raspodjele sredstava od RTV takse u Federaciji. Doprinosi se ne uplaćuju, dok se zdravstveno uplaćuje u skladu sa mjestima prebivališta. Kada su penzioneri u pitanju rješava se mjesec februar odnosno doprinosi i otpremnine za mjesec februar 2023.godine. Predstavnici sindikata su dobili odgovor na upit za nedostatak ljudi u pogonima i rečeno je da će se popunjavati samo radna mjesta gdje „gori“, odnosno gdje je nužno. Sindikat je dobio odgovor na dopis u vezi izmjene pravilnika o disciplinskoj i materijalnoj odgovornosti zaposlenika BHRT-a u kojem je generalni direktor saglasan na način da u prvostepenoj i drugostepenoj disciplinskoj komisiji bude po jedan član i zamjenik člana koji je predložen od strane Reprezentativnog sindikata radnika u BHRT-u. Navedeno će biti moguće realizovati od sljedećeg imenovanja članova disciplinske komisije BHRT-a. Dž.Kahrica je još jednom upozorio menadžment na zastarjelu opremu u elektro energetici, te da se zbog takvog stanja opreme rizikuje emitovanje RTV program BHRT-a.. Sindikat je ponovno dobio upit od menadžmenta da imenuje povjernika za zaštitu na radu te je UO sindikata, na prijedlog Džemala Kahrice, jednglasno imenovao Sadina Kavazovića za povjernika koji će raditi u skladu sa zakonom i pravilnikom BHRT-a.

Veliki broj uposlenika se obratio sindikatu u vezi rada restorana i traženo je od menadžmenta da se rješi problem rada restorana u poslijepodnevnim satima. Sindikat je još jednom istakao problem parkinga koji je u jako lošem stanju.

M.Baručija je izvjestio UO Sindikata da je komisija za dodjelu pravne pomoći dobila dopis/zahtjev za pomoć od kolege E.Suša. Nakon kraće rasprave i obrazloženja članova komisije, a na osnovu zahtjeva koji je dostavio kolega Suša, prijedlog komisije je da se ne odobri pravna pomoć, jer ne postoji dovoljno elemenata za dodjelu pravne pomoći.

UO je prijedlog komisije jednoglasno usvojio uz mogućnost naknadne dostave materijala od strane E.Suše vezano za disciplinski postupak.

Dž.Kahrica je još jednom ponovio molbu za prikupljanje pomoći za E.Foču kojem je stan izgorio u proteklom periodu. Dostavljena je pomoć iz Energetike i održavanja, Sportske redakcije BHT-a, Finansija BHRT-a, ITC BL i Zenice i Službe sigurnosti i obezbjeđenja. Prikupljena pomoć je odmah predana Edisu Foči.

**AD 3.** Blagajnički izvještaj za mjesec juni 2023.godine je primljen k znanju.

Izvještaj M.Herac o poslovanju sa Adriatic osiguranjem za juni 2023.godine je primljen k znanju.

**AD 4.** Komisija za dodjelu finansijske pomoći (M.Herac, S.Vila, M.Džihanić) predložila je da novčanu pomoć za mjesec juli 2023. godine dobiju slijedeći članovi: Bašić Fatima 500 KM (II dio), Tahirović Tamara 500 KM (II dio), Tahirović Ramiza 400 KM (II dio), Kurtović-Pašalić Merima 500 KM (I dio), Lihic Amir 500 KM (I dio), Fočo Edis 500 KM. Ukupno 2.900,00 KM.

Prijedlog komisije je jednoglasno usvojen.

**AD 5.** Pod tačkom razno, raspravljalo se o održavanju sindikalnog druženja 2023 godine (Emiterijiada). Prijedloge za održavanje ovogodišnje emiterijade su iznijeli i obrazložili UO sindikata M.Džihanić i Dž.Kahrica. Nakon kraće rasprave, UO sindikata je sa 11 glasova za i 1 suzdržanim izglasao prijedlog Dž.Kahrice.

Također, UO sindikata je sa 11 glasova za i 1 suzdržanim usvojio odluku o održavanju sindikalnog izleta dana 10.09.2023.godine.

Izvršni sekretar  
SAMOSTALNOG SINDIKATA  
RADNIKA U BHRT-u  
Elvis Čengić

Potpredsjednik  
SAMOSTALNOG SINDIKATA  
RADNIKA U BHRT-u  
Džemal Kahrica